



**LIPOTI O LE TAMAOAIGA MO LE ULUAI FITU (7) MASINA (JULY 2022 -  
IANUARI 2023) O LE TAUSAGA FA'ALETUPE 2022/2023**

**A. TAMAOAIGA O SAMOA**

**1. Fua Fa'atatau o le Tamaoaiga - Gross Domestic Product (GDP)<sup>1</sup>**

**Fua Fa'atatau o le Tamaoaiga i lona tulaga masani (Nominal GDP)**

*Kuata (Setema 2022)*

**\$493.5 million, e 6.6 pasene e maualuga ai nai lo le \$463.0 miliona sa faamauina i le kuata o Setema 2021.**

*Tausaga (12 masina faamuta mai ia Setema 2022)*

**\$1,855.4 miliona poo o le 1.6 pasene e maualuga ai nai lo le \$1,826.7 miliona i le sefulu lua (12) masina e faamuta mai ia Setema 2021.**

*Tamaoaiga mo tagata ta'ito'atasi (GDP per capita) (12 masina faamuta mai ia Setema 2022)*

**\$10,821 i le tagata e to'atasi, po'o le 1.2 pasene e maualuga ai i le \$10,690 sa faamauina i le sefulu lua (12) masina e faamuta mai ia Setema 2021.**

**Fua Fa'atatau Moni o le Tamaoaiga (Real GDP)**

*Kuata (Setema 2022)*

**\$501.2 miliona, 4.7 pasene e maualuga ai nai lo le \$478.7 miliona mo le kuata o Setema 2021.**

*Tausaga (12 masina e faamuta mai ia Setema 2022)*

**\$1,876.0 miliona, poo le 4.2 pasene e maualalo ai nai lo le \$1,958.5 miliona sa faamauina i le sefulu lua masina (12) e faamuta mai ia Setema 2021.**

**2. Fua Fa'atatau o Oloa ma Auaunaga (Ianuari 2023)**

**O le fua laugatasia fa'aletausaga o le siitaga i le fua fa'atatau masani o le tau o oloa ma auaunaga (annual average headline inflation rate) sa tumau i le 11.0 pasene mai le masina ua mavae ae sa maualuga atu foi i le 4.5 pasene ia Ianuari 2022. O lenei tulaga sa atagia ai le pau o le tau o oloa auina mai fafo (imported inflation) i le 15.1 pasene mai le 15.3 pasene na iai ia Tesema 2022, ae o le tau o oloa i le lotoifale o le atunuu (local inflation) sa siitia i le 6.7 pasene mai le 6.4 pasene i le masina ua tuanai atu.**

**3. Fua o Fa'aeleeleaga (Agricultural supply)**

**I fa'amaumauga lata mai mai le Ofisa o Fuainumera Faamauina a Samoa (Samoa Bureau of Statistics), sa atagia ai le siitia o le afoaiga o fua o fa'aeleeleaga sa faatauina i maketi i le talafatai o Apia i le 20.7 pasene i le uluai fitu (7) masina o lenei tausaga faale-tupe e**

<sup>1</sup> Amata mai ia Aperila 2019 le suiga o le tausaga faavae (new base year) 2013=100, a le Ofisa o Faamaumauga.

fa'amuta mai ia Ianuari 2023. E atagia i lenei siitaga le alu i luga o le tau aofai o fa'aeleeleaga e pei o le talo, popo, ufi, faapea ma fualaauaina e pei o le kapisi, tamato, kukama ma maukeni. E ui i le maualuga o le sapalai, ae na siitia i le 23.3 pasene le fua fa'atatau o le fesuaiga o le tau o oloa i maketi i totonu o le atunuu ona o le malosi o manaoga o tagata faatau (demand).

#### **4. Faletupe o Fefa'atauaiga (Banking system) - Faaiuga o le kuata ia Tesema 2022**

O lo o fa'aauau pea le tulaga lelei ma le malosi o tupe faavae a faletupe mo fefa'atauaiga (banking system) i le fa'aiuga o Tesema 2022 ma tulai mai ai le siitia o le fua fa'atatau mana'omia o tupe fa'avae (capital adequacy ratio) i le 30.8 pasene pe a fa'atusatusa i le 29.1 pasene ia Tesema 2021, ma maualuga atu ai nai lo le 15.0 pasene o le tapulaa pito i maualalo o taiala fa'atulagaina (minimum prudential requirement).

O le tulaga tau tupe a faletupe o fefa'atauaiga (liquidity) sa fa'atumauiina lona tulaga maualuga i le 27.4 pasene o le tau aofai o tupe teu, ma ua sili atu i le 10.0 pasene o le tapulaa pito i maualalo o taiala fa'atulagaina (minimum prudential requirement).

O nonogatupe ua silia ma le iva sefulu (90) aso e le o toe totogiina (Non-performing loans) i le fa'aiuga o Tesema 2022 sa fa'amauiina i le 5.0 pasene o le aofaiga atoa o nonogatupe a faletupe, pe a faatusa i le 3.6 pasene sa faamauiina ia Tesema 2021. Ae peitai, o le pasene o tupe fa'aleoleo fa'apitoa lava mo nonogatupe ua le o toe totogiina (provisioning) sa pa'u i le 156.9 pasene ia Tesema 2022, mai le 198.3 pasene ia Tesema 2021. O le tulaga maualuga o tupe faaleoleo mo nonogatupe ua faaletonu (provisions) na ausia ai le 90.1 pasene o ia nonogatupe, ma ua matauina ai le fa'aitiitia mai le 110.0 pasene sa iai i le masina o Tesema 2021.

#### **5. Paleni o Tupe Totogi (Uluai fitu (7) masina muamua o le tausaga faaletupe 2022/2023)**

##### **Fefa'atauaiga ma Atunuu i Fafu:**

##### **i. Aofaiga o Oloa Auina atu i Fafu (Exports)**

**\$70.67 miliona; poo o le 74.4 pasene e maualuga atu ai nai lo le \$40.52 miliona i le uluai fitu (7) masina e faamuta mai ia Ianuari 2022.**

##### **Fa'avasegaina o oloa auina atu i fafu**

Pasene eseese:

**Toe faatauina atu o oloa i fafu (Re-exports) – 49.2 pasene (\$34.74 miliona)**

**Oloa Gaosi i le Lotoifale – 50.8 pasene (\$35.93 miliona)**

E pei o le;

I'a 25.6 pasene (\$18.09 miliona)

Suau'u popo 11.2 pasene (\$7.91 miliona)

Ava malosi 2.4 pasene (\$1.71 miliona)

Talo 2.3 pasene (\$1.61 miliona)

Sua o le Nonu 2.0 pasene (\$1.43 miliona)

##### **ii. Aofaiga o Oloa Faatauina mai Fafu (Imports)**

**\$745.73 miliona, 49.3 pasene e maualuga ai na i lo le \$499.33 miliona sa faamauiina i le uluai fitu (7) masina e faamuta mai ia Ianuari 2022.**

- Oloa faatauina mai mo pisinisi tumaoti sa siitia i le 24.0 pasene poo o le aofaiga e tusa ma le \$485.08 miliona;
- Sa faaluaina le tau aofai o le suauu sa faatauina mai fafu i le \$182.12 miliona;
- O oloa sa faatauina mai e le Malo mai fafu sa faatoluina ma tulai mai ai i le \$78.53 miliona.

- iii. **Paleni o tupe o Fefa'atauiaiga o Oloa**  
**\$675.06 miliona, ma e 47.1 pasene e maualuga ai** nai lo le \$458.81 miliona i le uluai fitu (7) masina o le tausaga faaletupe 2021/22
- iv. **Tagata Tafafao Maimoa mai Fafu**  
**Aofaiga o Tagata Tafafao Maimoa mai Fafu (Visitor Arrivals)**  
**59,380 tagata tafafao mai fafu** i le uluai fitu (7) masina o le tausaga faaletupe 2022/23 e mae'a ia Ianuari 2023
- 26,453 o aiga ma uo o lo o asiasi mai Samoa
- Aofaiga o Tupe Maua (Visitor Receipts)**  
**\$194.17 miliona** i le uluai fitu (7) masina o le tausaga faaletupe 2022/23 e mae'a ia Ianuari 2023.
- Pe tusa ma le \$104.2 miliona sa maua mai i aiga ma uo sa asiasi mai i Samoa
- v. **Tupe Fa'amomoli mai fafu (Private Remittances)**  
**\$511.33 miliona, 20.5 pasene e maualuga ai** nai lo le \$424.41 miliona i le uluai fitu (7) masina e faamuta mai ia Ianuari 2023.
- Tupe mo aiga ma tagata taitoatasi sa siitia i le 15.1 pasene i le tau aofai e \$447.46 miliona.
  - Tupe mo Ekalesia ma Faalapotopotoga laiti sa pa'u i le 9.0 pasene poo o le aofai e \$16.86 miliona.
- vi. **Tupe Teu Fa'agaaga i Fafu (Gross Official Foreign Reserves)**  
**\$894.55 miliona i le faaiuga o Ianuari 2023, e 16.4 pasene e maualuga ai** na i lo Ianuari 2022. O tupe faaleoleo o iai nei e mafai ona faatauina mai ai oloa mai fafu mo se vaitaimi e tusa ma le **9.4 masina** pe a faatusa atu i le 10.9 masina ia Ianuari 2022.
6. **Nonogatupe mai Fafu - External Debt Outstanding (fa'aiuga o le kuata o Tesema 2022)**
- i. **Paleni o le Nonogatupe**  
**\$902.40 miliona (poo o le 40.6 pasene o le tamaoiga (nominal GDP), e 9.6 pasene e maualalo ai** na i lo le \$998.66 miliona i le kuata o Tesema 2021 (45.6 pasene o le fua-faatatau o le tamaoiga - nominal GDP).
- ii. **Totogiina o Nonogatupe (12 masina faamuta mai ia Tesema 2022)**  
**\$108.95 miliona**, e tusa lea ma le **206.2 percent e maualuga atu ai** nai lo le \$35.57 miliona i le 12 masina faamuta mai ia Tesema 2021. O leni siitaga maualuga e mafua mai i le faamutaina o le Debt Service Suspension Initiative (DSSI) ma le toe fa'aaauina o le toe totogiina o nonogatupe masani. O leni tulaga e tusa ma le:
- **16.10 pasene** o tupe maua masani a le Malo (recurrent revenue);
  - **12.55 pasene** o tupe teu fa'agaaga i fafu (foreign reserves); po o le
  - **23.23 pasene** o tupe maua mai oloa ma auunaga o lo o auina atu i fafu (exports of goods and services).